

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
Broj: 02-05-759/16  
Lukavac, 22.06.2017. godine

Na osnovu člana 70. a u vezi sa članom 69. stav (2) tačka e) Zakona o javnim nabavkama („Sl. glasnik BiH“, broj: 39/14) Općinski načelnik d o n o s i

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke za elektrifikaciju stambenih jedinica raseljenih osoba i povratnika „ZPE12-13“, jer ne postoji mogućnost preraspodjele dodatnih sredstava sa druge budžetske pozicije.

**Član 2.**

Ova odluka objavit će se na web stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke.

**Član 3.**

Ovom odlukom stavlja se van snage odluka o izboru najpovoljnijeg ponuđača broj: 02-05-759/16 od 07.06.2016. godine.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-02-1-758/16 od 12.05.2016.godine. Javna nabavka je sprovedena postupkom konkurentskog zahtjeva za dostavu ponuda. Procijenjena vrijednost javne nabavke bez PDV-a je 9.920,00 KM. Obavještenje o nabavci broj: 719-7-1-32-3-25/16 objavljeno na Portalu javnih nabavki dana 13.05.2016. godine. Ponude su dostavili sljedeći ponuđači:

1. "ORBITER" d.o.o. Tuzla u ukupnom iznosu od 9.916,00 KM bez PDV-a i
2. "CONRAM" d.o.o. Brčko u ukupnom iznosu od 11.027,00 KM bez PDV-a.

Komisija za provođenje postupka javne nabavke je utvrdila da ponude ponuđača "ORBITER" d.o.o. Tuzla i "CONRAM" d.o.o. Brčko su prihvatljive. Takođe, Komisija je ponudu ponuđača "ORBITER" d.o.o. Tuzla u vrijednosti od 9.916,00 KM bez PDV-a ocijenila kao najpovoljniju prema kriteriju najniža cijena, te shodno članu 70. Zakona, jednoglasno dala preporuku za donošenje Odluke o izboru najpovoljnijeg ponuđača broj: 02-05-759/16 od 07.06.2016. godine kao najpovoljnije za predmetnu nabavku. Ponuđač "ORBITER" d.o.o. Tuzla dopisom od 09.06.2017. godine odustao je od ugovora broj:02-14-1052/16 od 18.07.2016. godine. Naime, za predmetnu nabavku obezbijeđen je iznos u vrijednosti od 9.920,00 KM bez PDV-a, a vrijednost sljedeće najniže prihvatljive ponude ponuđača "CONRAM" d.o.o. Brčko iznosi 11.027,00 KM. Obzirom da ponuda ponuđača "CONRAM" d.o.o. Brčko prelazi iznos sredstava obezbijeđen za ovu nabavku, Komisija se pismenim putem (Akt broj: 02-05-759/16 od 20.06.2017. godine) obratila ugovornom organu da isti utvrdi da li postoji mogućnost povećanja dodatnih sredstava, te da pisanim putem obavijesti Komisiju.

Služba za urbanizam, prostorno planiranje i investicije dostavila je akt broj: 05-387/17 od 21.06.2017. godine u kojem stoji da ne postoji mogućnost preraspodjele sredstava sa druge budžetske pozicije u okviru Službe za urbanizam, prostorno planiranje i investicije za dodatni iznos od 1.107,00 KM bez PDV-a . Obzirom da ne postoji mogućnost preraspodjele sredstava sa druge budžetske pozicije odlučeno je da se u skladu sa članom 69. stav (2) tačka e) Zakona o javnim nabavkama BiH poništi postupak javne nabavke za elektrifikaciju stambenih jedinica raseljenih osoba i povratnika „ZPE12-13“.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

**Dostaviti:**

1. "ORBITER" d.o.o. Tuzla
2. "CONRAM" d.o.o. Brčko
3. Evidenciji i
4. Arhivi-



**OPĆINSKI NAČELNIK**

Dr. Sci. Edin Delić